

حبلری : احمد تاج الدین

و یعقوب کمال

آبونه بدلی

تالک عثمانیه ایچون

سنه لکی ۵۰ غروش

آلتی آیلنی ۲۵ غروش

تسیه ایچون سنه لکی

آلتی آیلنی ۲ روبله

اثر ممالک اجنبیه

سنه لکی ۱۲ آلتی آیلنی

فراقدر .

واعتصموا بحبل الله جميعا ولا تفرقوا ...

تعلیم مسلمانان

۱ ۳ ۲ ۸

وجعلناکم شعوبا وقبائل لتعارفوا...

مدیر مسئول :

عثمان جودی

محل اداره :

استانبول : باغریک

چادر جیلرده

اخطار مخصوص :

عالم اسلام و اسلامیه

عائد مقالات و آثار

مع المعنویه درج

اوله جقدر .

نسخه سی ۴۰ پاره

دینی سیاسی تاریخی فلسفی و احوال عالم اسلامدن باحث هفته لک مجله در

تاریخ تاسیس ۳۲۸ مولدالنهی

عدد : ۳

۳ جمادی الاولی ۳۲۸

پنجشنبه

۲۹ نisan ۳۲۶

جلد : ۱

انسانك انسان اولدى هوسات حیوانیه سی ایله دكل ملكات عقلیه سیله در .

انسانلرك بوايكي نوع قوتی ایستدیگی کی استعمال ایتمه لری ایسه کندی ید اختیارنده در . اگر انسان بوقوتلری حسن استعمال ایله کندیلرینك نه کی ماهیت علویه بی حائر اولدقلربی دوشونه رك اكا کوره توفیق حرکت ایتمه لر شبه یوق که الی یوم القیام بختیار اولدق یشایه جقلردر .

غریبدرکه ؛ عصر یزده علوم معارف بوقدر ترقی وتعالی ایتمش ایکن نوع بشر بوعلم معارفدن لایق اولدیغی مرتبه استفاده ایده مبرك حالایکدیگرینه قارشو خصوصتدن ، عداوتدن کری قالمیورلر .

تعاون وتناصر ذیلن خصلت کریمیه مالدن پك اوزاق بولئیورلر . دها غری شوکه : بتون م لمانلرك یکدیگرینه قارشو عقد اخوت ایله ایجابات عصریه به کوره حرکت ایله یه رك برعائله افرادی کی یشامه لری ، آره لنده کی نزاع وخلافی بالکبه قالدیروب هرکس دیگرینك مال وجاتی کندی مال وجاتی کی بیلمه لری واکا کوره امرار حیات ایله لری اوامر قرآنیه ایجا باتندن ایکن بو کی احکام جلیله قرآنیه بی اونودارق یکدیگرینه قارشو ییالچی کی حرکت ایدیورلر . حتی نایت مناسبتر وسیله لرله تفرقه لره دوشه رك بوحالرك عاقبت وخیمه سنی خاطرلرینه بیله کتیرمیورلر .

حالبوکه اسالاس مدینت اتفاق واتحاددن بشقه برشی دکلدر . چونکه مدینت طویل یشامق دیمکدر . طویل اوله رق یشامق ایسه بهم حال اتفاق واتحادله در . زیرا اتفاق واتحاد اولمازسه تعاون وتناصر اولماز . تعاون وتناصر اولمخه انسانلر یشایه مز . چونکه انسانك محتاج اولدیغی شی او قدر جوقدرکه بونلری تدارك ایتمک بر انسانك دكل بیک انسانك بیله کاری دکلدر . شو حالده اگر انسانلر بوبله نزاعه ، شقاقه ، خلافه دوشه رك بینارنده براتحاد ووافق تام بولمازسه جمعیت طانیور ، مدینتدن اثر قالماز . ننگم تواریخ اقوامده بوکا شهادت ایتمکده در .

مع التأسف اعتراف ایتمی زکه ؛ بوکون شوته لکه عظمایه الکچوق معروض قالان مسلمانلردر . زیرا اقوام سائره بوحقیقتی پك چوق اول درک ایده رك مدینتک اساسی اتحاد واتفاق اولدیغی کلا یه رق بواوغورده چالشمه لرو نهایت کوزلرمزی قماشدیران شوکور دیکمز ترقیات مدنییه نائل اولمشلردر .

حتی کندی بینلرنده کی اتحاد واتفاقه بیله فناعت ایتمه رك بتون دول معظمه ایکیسراوچر اتفاقلر اتلافلر عقیده استقامتربنی تأمین ایشلردر ، اقوام سائره نك بو احوال حرکاتی بزم ایچون بیوک بر درس عبرتدر . بو درسی آلملی . آرتق آرمزده جاری اولان مناسبتر احواله نهایت ویرمی . بزده سائر انسانلر کی طبعاً مدنی اولدیغمز کائناته کوسترملی بز .

موسی کاظم

« عایکم بالسواد الاعظم »

سواد اعظم ایله ایش کورکز . سواد اعظمه تابع اولوکز . معنای منینی لایقوله ملاحظه اولنه جق اولورسه ، مهم امورده اکثریت آر ایله ایش کورکز معناسنی دوعریدن دوعری افاده ایتمکده اولان شو حدیث شریفی ، یالکز اهل سنت والجماعت معناسینه حصر ایتمایه جك اولورساق ، بر چوق ایشلرمزی بو حدیث صحیحه تطبیق ایتمک ممکن اوله جفنده شبهه یوقدر . زیرا صلی الله علیه و سلم اقدمزک معجزات باهره سندن بری « جامع الکلم » اوله لری ایدی فکرمزی آرتوسیع ایده جك اولورساق بوحدیث شریف مظمونینه یالکز محاکم عدلیه دکل ، مجالس مبعوثان و اعیان دخی داخل اوله بیله جکی خاطره کلور . بز شمعدیلک اورالره آرتق بر سوز دیمکه حاجتده کورمیورز . یالکز اکثریت آرا ایله ایش کورمه اصولی حقنده بر قاج سوز سوبله مکی مناسب کوردک .

بوکون عموم آروپاده (یالکز روسیه مستثنا) مهم امور هر مسئلهده اکثریت آرا ایله کورلمکده در . بونک اصل واساسی متین اوله جفته دائر سوز سوبله مکه

بیله حاجت یوقدر . فقط بزم شرقیلر عموماً و اهل اسلام خصوصاً نومسئله ده دهالبتدائی درجه سنده بولندقلرندن برچوق نواقص کورلمکده و سوانمه مکده در . بونک سببی ایسه ، یالکیز رأس کارده اولانلره عائد اولوب ، ملتک بوکبی اموره عدم الفتندندر . بو مسئله بو اکون آوروپالی لرده امور عادیه حکمنه کیرمش و هر کسجه معلوم اولدیغندن عموم ملت آنجق انتخاب زماننده برقاچ ایام کیم اهل و کیم نا اهل اولدیغنی مذاکره مجبور اولورلر . انتخاب مسئله سینه صوک درجه ده اعتنا ایدرلر . بر کره هر اموره اهلی انتخاب اولدیمیدی ، آرتق مات دها بر انتخاب زماننه قدر هیچ برشیلر دوشونمز ، ملتک هر اموری مبعوثلره تودیع اولنور ، آرتق مبعوث دیمک ، مات دیمک اولور . مبعوثلر ملتک معتمدلری ، اعتماد ایتدکلری آدملری در . هر کس بییدیکی آدمه اعتماد ایدر ، بیلمدیکی آدمه اعتماد ایده مز و انتخابده ایده مز .

ایشته شورالری کوزلجه ملاحظه اولنورسه . بزم ملت : مبعوثلری انتخاب ایتدکلری زمان ، هر ولایتده کندیلری اعتماد ایتدکلری آدملری انتخاب ایده بیسیدیلری عجباً ؟ یا خود اکثر ولایتده کور کورینه بعض شارلاتانلر سرسریلر سوزینه قابله رق ، ملتک منفعت و ضرری ملاحظه ایتمایه رک یالکیز بر نام و شهرته قابله رق انتخاب ایتدیلری می ؟

ایشته مسئله ظن ایدرم شرقده دخی لایقینه کسب اشتهار ایده مدی ، مجلس مبعوثان نه در هر کس بیله مدی ، مبعوث نه دیمک اولدیغنی دخی تقدیر ایده مدی ، بلکه مبعوث دینجه یالکیز الی لیرا معاش خاطرینه کلانیده ، شواللی لیرا بشقه سینه کیمسون فکرینه قابلدی . اساس مسئله بوراده ایدی ، ایشته بزبوراده دخی جهالتک زیانی کوردک ، اونک ایچون هر زمان کمال جسارتله دینله بیلورکه اصل بیوک دشمنان جهالتدر . بوا یسه زده لزومندن زیاده مسئولدر . جاهل آدم مبعوث نه در بیلمز ، انتخاب نه در بیلمز ، اگر بیله کنددی کندینی جهنمه آتماز . مبعوث ذمه سینه نه قدر حقوق عاد ، نه قدر حقوق صبیان تعلق ایده جکینی بیاسه ، هیچ بروقت

کور کورینه مبعوث اولمه سینه ده ایسته مز . اگر بیله مملکت داخلنده نه قدر ظلم وار ، نه قدر حق سزلقلر وار ، نه قدر خلاف شرع و خلاف عقل خطال وار ، بونلرک کافه سندن مبعوث مسئولدر ، عندالله وعندالناس مبعوث مسئولدر . حکومت ظلم ایدرسه نفس الامرده مبعوث مسئولدر . زیرا حکومت رجائی انتخاب ایدن آنلر در . مملکت و ملته عائد نه قدر مسئولیت وار ایسه هپ او مبعوثه عائددر . ایشته شوطریق عریض عمیق ملاحظه ایده جک اولورساق : کیمی انتخاب ایتدیکنی بیلمز ، نه ایچون انتخاب ایتدیکنی بیلمز ، و نه ایچون انتخاب اولدیغنی دخی بیلمز ملت لرک مجلس مبعوثانلری ده اکثر اوقات نه بیادیغنی و نه پایه جغنی بیله . مدکدن ، روسیه دوما کی حکومت النده بر آلت اولور قالور . اوج بش آدم ایسته دیکی کبی اوینار ، بویه اولورسه ، منفعت و مضرتی و مملکتک محافظه سی فلان هپ تزلزله اوغرایه جغنی شبه دن عاریدر . اکثریت آرا ایله اداره اولنور مملکت لرده ، اصل مسئله نک روحی انتخابده اولدیغنی بیلیورلر ، مملکتک منفعت و مضرتی مبعوث انتخابی زماننده دوشونورلر ، امانت الاهی مبعوثه تسلیم ایده جکینی تصور ایدرلر ، شوسیدندرکه ؛ انتخاب ایامی غایت دهشتلی بحران ایچنده کچر ، ملتک رهبری حکمنده اولان غزیه لرده بوتون قونلرینی بوراده صرف ایدرلر ، صوکره آوروپا مبعوثلرینک بوتون دوشنجه لری ملتک ترقی و تعالیسی و مملکتک حیاتندن عبارت قالور ، منفعت شخصیه سی ایچون دکل مملکتی فدا ایتک ، بلکه نفسی ، جانی و مالی دخی مملکتی اوغرنده فدا ایدر . بویه آدملر انتخاب اولنور ، هیچ اولمزه اکثری بویه اولورده ، شو صورتله اکثریت آرایه اعتماد اولنورسه ، مملکتک حیاتی تأمین اواندی دیمک اولور . عن قریب مملکتکده اداره مشروطه اعلان ایتک فکرنده اولان چین حکومتی ، بوندن برقاچ سنه مقدم اون ایکی سنه صکره مملکت لرنده اداره مشروطه اوله جغنی اعلان ایتشدی . شیمدی ایسه ، بوتون مملکت داخلنده برقاچ آدملر جولان ایتکده درکه ، کوی و قریه لره کزه رک ایسته انتخاب اصولی شویله در ، انتخاب اصولی بویله در ،

معنای شودر، انتخاب بر امر شرعی اولوب، بوندن کله جک ضرر شودر، فائده بودر، مسئولیت ده شودر دیه تعلیماتده بولورلرسه، هیچ شبهه سز استقبال امت غایت پارلاق اولوب، (بالتی هی احسن) ایله مجادله به کسب استعداد ایتش اولورز. بوقسه سقم ایله شکمی، عین ایله شمالی، سمن ایله عقیبی تفریق ایتمز آدمیری یالکیز شهرتلی ایچون یاخود فلانک اوغلی و فلانک دامادی اولدینی ایچون انتخاب ایدرلرسه، او مملکتک اداره مشروطه و اکثریت آراسیده اوقدر اولور.

بوکون روسیه ده اداره مشروطه واردر. اکثریت واردر، فقط عدالتده یوق. مساواتده یوق، حریت فلانده یوق، انسانیته کلنجه او هیچده یوق. یانه وار؟ دومه وار، استبداد وار، ظلم وار، جهالت وار، صتالیین وار، استبدیکی یامق وار. بوایه روسیه ده انتخاب قانونی حکومتک ایستدیک کی یاپله سندن بویه اولمشدر. اما انتخاب عمومی اولان مملکت لرده مسئولیت ینه مبعوثلره عائددر. امانت الله ینه مبعوثلره تودیع اولنمشدر.

عبدالرشید ابراهیم

حلف الفضول

مسامانلغک اس الاساسی عدالتدر، عدالتی تمامه متکفل اولان حکومت حکومت اسلامیه در، اعلای کلمه الله ایچون میدان جهاده آتیلان غزای موحدین محض عدالتله فتوحات جلیله یه نائل اولمشدر. عدالت قوام حکومتدر، عدالت سز حکومت پایدار اولماز. اساس بلادی، فیض و تعالی عبادی یکانه تأمین ایدن عدالتدر. جناب باری دولت عادلیه یاردم ایدر، دولت ظالمه نصرت الهیه دن محروم اولور.

بر دولتک اس الاساسی عدالت اولمله برابر علم و معرفت رهبری، تعاون و تناصر مسلکی، اتحاد و وفاق رکن رکینی فعالیت خواص لازمه سی اولمیدر. افرادی فداکار، خیرخواه، فعال، بنیان مرصوص کی متحد و نفاق و شقاقدن بعید حلیه معارف ایله متحلی اولان ملت الی الابد شان و شرفی محافظه ایدر.

انتخاب ایده جککیز آدم شویله اولمق لازم، شوصفت لری حائر اولمق لازم دیه اهالی به قارشی فعلا انتخاب قاعده. لری کویسترمکده، و هر سنده انتخاب تجربه لری یاقده، خفی و قالی انتخاب تجربه لری تکرار ایدرک ایکنجی دفعه آجیق انتخاب ایتدیرمک، شو آدمی نه ایچون انتخاب ایتدیکز، بو آدمده نه کی فضیلت و یا خصلت کوریورسکز دیهرک سؤاللر ایراد ایدیورلر، شو صورتله عن قریب چین مملکتده اعلان اولنه جق اداره مشروطه ایچون آدم یتشدیرمک فکرنده بولنیورلر. بن چینده بولندیغ زمان بر قاج یرده تجربه انتخاب لری نه تصادف ایتدم. انتخاب امتحان لری کوردم، چین لیلرک بو خصوصده یاپولرله دخی سبقت ایده جکلری خاطرله کلور.

ظن ایدرمک افغان امیری حبیب الله خان دخی بو بایده چین لیلردن درس آلمشدر، زیرا بو کی تعلیمات شیوعی هندستاندن کچدیکم زمان، بعض افغانی بر طرفندن مسموعم اولمشدی.

همه حال اساس مطلب اداره مشروطه ایله یاخود سواد اعظم فکریله ایش کوریلور مملکت لرده اک مهم مسئله، انتخاب مسئله سیدر. مع مافیه بوده بر قانون طبیعی حکمنه کیرمشدرکه؛ هیچ بر مملکتده، دورا انقلابی متعاقب انتخابلر مطلوبه تمامیه موافقت ایتمه مشدر. اکثریتنه مجلس مبعوثان برنجی دوره لری بیوک مشکلات و زلزلات ایله کیرمیش، ایکنجی و اوچنجی دوره لرنده خط استقامتی بولمشدر.

شو حالده بوکون مجلس مبعوثانه، نه یاپیورسکز دیه درت کوز ایله یاقده اولان اقدیلر، آغالر و بابالر، اولاکندی کندی لری نه صورمه لی: نه ایچون انتخاب ایتدیک؟ نه یامه لی ایدی؟ احتیاجز نه ایدی دیمه لیده، سوکره مبعوثلره سؤال ایراد ایتدی.

اگر ملت شو قراری بولورسه، افراد ملت ده شو قدر بر ملاحظه اقتدارینی حائر اولورسه، یاخود علماء امت، ملت رهبر اوله رق شرعاً و عقلاً بزم و تظیفه مز شودر دیهرک همت و غیرت ایدرده، بو فکره خدمت ایدرک ملت کوی آغالرینه وارنجه قدر انتخاب